

SAMOA

Faatulagaina o Aiaiga

- | | |
|---|---|
| <ol style="list-style-type: none"> 1. Igoa puupuu ma le amataga 2. Faataapega o le Faalapotopotoga 3. Aloaia o le tuufaatasia faaletulafono 4. Faaliliuina ma le tuuina atu o aseta, ma isi mea faapena 5. Pulea toatasi | <ol style="list-style-type: none"> 6. Aiaiga tau soloaiga ma aiaiga faasaoina 7. Tuutuuga 8. Soloia <p style="text-align: center;">Faamatalaga</p> |
|---|---|

2013, Nu. 20

O SE TULAFONO e soloia ai le Tulafono o le Faalapotopotoga o Oloa Tau Faatoaga 1975 ma mo faamoemoega e fesootai i ai. *[9 Aokuso 2013]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua leni Tulafono o le Tulafono e Soloia ai le Tulafono o le Faalapotopotoga o Oloa Tau Faatoaga 2013.

(2) O leni Tulafono e amata faamamaluina i se aso e filifilia e le Minisita o Tupe.

2. Faataapega o le Faalapotopotoga - Ua faataapeina le Faalapotopotoga o Oloa Tau Faatoaga sa faavaeina i lalo o le Tulafono o le Faalapotopotoga o Oloa Tau Faatoaga 1975.

3. Aloaia o le tuufaatasia faaletulafono - O le tuufaatasia faaletulafono o le Kamupani Faatulafonoina o le Faalapotopotoga o Oloa Tau Faatoaga (Ltd) ua faatatauina e faapea, ua faamauina aloaia ma ua faia ma, e ui lava i aiaiga o so o se isi lava tulafono e ese ai, e lē tatau ona i ai se aia tatau e faia ai se tagi i le Faamasinoga e, i lona tuufaatasia faaletulafono i lalo o lea igoa.

4. Faaliliuina ma le tuuina atu o aseta, ma isi mea faapena-(1) I le noatia ma le fai fuafua i le faafuaiupu (2), o so o se aseta, meatotino, faaputugatupe, aia tatau ma noataga a le Faalapotopotoga o Oloa Tau Faatoaga lea sa i ai i le amata faamamaluina o lenei Tulafono, ua faaliliuina atu i ma tuuina atu i le Kamupani Faatulafonoina o le Faalapotopotoga o Oloa Tau Faatoaga (Ltd).

(2) O aseta ma meatotino a le Faalapotopotoga o Oloa Tau Faatoaga ua faatulaga mai i totonu o le Faamatalaga, ua faaliliuina nei ma tuuina atu i le Malo i le taimi e amata faamamaluina ai lenei Tulafono.

(3) Mo le faamoemoe o lenei fuaiupu, “fanua” o lo o lisiina o le Aseta Numera 2, i totonu o le Faamatalaga, e aofia ai so o se fale o lo o i luga o le fanua.

5. Pulea toatasi-(1) O se tagata, o ia lea e ono mafai ona, po o ua, i se tulaga na te matua pulea toatasi ai le maketi e ala i se taunuuga o le faatumaotiina o le Kamupani Faatulafonoina o le Faalapotopotoga o Oloa Tau Faatoaga (Ltd), e lē tatau ona agavaa o ia mo le iloiloga i sea faagasologa o le faatumaotiina.

(2) Mo le faamoemoe o lenei fuaiupu “maketi” o lona uiga o le maketi lea sa faia muamua ai feaatauaiga a le Faalapotopotoga o Oloa Tau Faatoaga, ma o lea o le a faapena foi ona faia ai feaatauaiga a le Kamupani Faatulafonoina o le Faalapotopotoga o Oloa Tau Faatoaga (Ltd).

6. Aiaiga tau soloaiga ma aiaiga faasaoina - I le amata faamamaluina ai o lenei Tulafono:

- (a) o gaoioiga uma, tagi, taualumaga ma galuega a le pulega ua faia faaletulafono e po o i le avea ai ma sui o le Faalapotopotoga o Oloa Tau Faatoaga, e faaauau pea i lalo o le igoa o, ma e faapei ai sa faia e le Kamupani Faatulafonoina o le Faalapotopotoga o Oloa Tau Faatoaga (Ltd);
- (b) o feagaiga, maliega po o isi faatulagaga o galuega a le Faalapotopotoga tuai, e faaauau pea i lalo o le igoa o ma e faapei ai sa faia e le Kamupani Faatulafonoina o le Faalapotopotoga o Oloa Tau Faatoaga (Ltd);
- (c) o le afaigaluega po o tagata sa faafaigaluegaina e le Faalapotopotoga o Oloa Tau Faatoaga, e faaauau pea ona faatatauina e avea ma afaigaluega po o tagata na faafaigaluegaina e le Kamupani Faatulafonoina o le Faalapotopotoga o Oloa Tau Faatoaga (Ltd);
- (d) nonoina, aitalafu, mokesi, tau faaee atu po o le teuina faafaigaluega o tupe a le Faalapotopotoga o Oloa Tau Faatoaga, e faaauau pea i lalo o le igoa o ma e faapei ai sa faia e le Kamupani Faatulafonoina o le Faalapotopotoga o Oloa Tau Faatoaga (Ltd).

7. Tuutuuga - E mafai e le Kapeneta ona faamaonia ni tuutuuga talafeagai mo le faamamaluina atoatoa o le faagasologa o tauofoga ma le faafoeina lelei o sea faagasologa.

8. Soloia - Ua soloia le Tulafono o le Faalapotopotoga o Oloa Tau Faatoaga 1975, e aofia ai so o se tulafono faatonutonu po o isi pepa faamaonia faaletulafono na faia ai.

**FAAMATALAGA
(Fuaiupu 4)**

Nu.	Aseta	Faamatalaga o Aseta
1	Fanua	FAAMATALAGA O LE FANUA Fanua Umia Saoloto Lote 545 i le Ata 5410 1,057 sikuea mita I Savalalo Itumalo o Tuamasaga
2	Fanua	FAAMATALAGA O LE FANUA Fanua Umia Saoloto Lote 1 i le Ata 10009 4,606 sikuea mita I Vaitele Itumalo o Tuamasaga

**O le Tulafono e Soloia ai le Tulafono o le Faalapotopotoga o Oloa
Tau Faatoaga 2013 o lo o faafoeina e le Matagaluega o Tupe.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**